



INFORME SOBRE O PROXECTO DE DECRETO POLO QUE SE CREA E REGULA O OBSERVATORIO AUTONÓMICO DOS RÍOS DE GALICIA

Esta Secretaría Xeral Técnica, en cumprimento do disposto no artigo 43.2 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, emite o seguinte,

INFORME

1. Obxecto

Constitúe o obxecto da presente norma a creación do Observatorio Autonómico dos Ríos de Galicia, como órgano consultivo de asesoramento sobre o estado ambiental, económico-social e cultural dos ríos da Comunidade Autónoma de Galicia, así como a regulación das súas funcións, composición e réxime de funcionamento. O ámbito de aplicación é o territorio da Comunidade Autónoma de Galicia.

2. Marco normativo e competencial

A Constitución española reconece no seu artigo 45.2 que os poderes públicos velarán pola utilización racional de tódolos recursos naturais e o seu artigo 149.1.23 establece a competencia exclusiva do Estado en materia de lexislación básica sobre protección do medio ambiente, sen prexuízo das facultades que teñen as comunidades autónomas de establecer normas adicionais de protección.

Consonte o artigo 27.12 do Estatuto de autonomía de Galicia, a Comunidade Autónoma de Galicia ostenta competencia exclusiva en materia de aproveitamento hidráulico, canais e regadíos cando as augas discorran integramente dentro do territorio de Comunidade, sen prexuízo do disposto no artigo 149.1.22 da Constitución Española. Así mesmo, o artigo 27.30 do mencionado estatuto establece a competencia para as normas adicionais de protección, conservación e mellora do medio ambiente e dos espazos naturais.

A Lei 5/2006, do 30 de xuño para a protección, conservación e mellora dos ríos galegos declara como prioridade de interese xeral da Comunidade Autónoma de Galicia a conservación do patrimonio natural fluvial, incluíndo a biodiversidade da flora e da fauna dos ríos galegos, así como o patrimonio etnográfico e histórico-cultural relacionado. Declara, ao mesmo tempo, a obriga das administracións públicas galegas para garantir a protección, conservación e mellora do patrimonio natural fluvial.

A Lei 40/2015, do 1 de outubro, do réxime xurídico do sector público, establece que corresponde a cada Administración pública delimitar, no seu respectivo ámbito competencial, as unidades administrativas que configuran os órganos administrativos propios das especialidades derivadas da súa organización.

De conformidade co anterior, a Xunta de Galicia apreciou a necesidade de crear o Observatorio Autonómico dos Ríos de Galicia, a proposta da consellería competente en materia de medio ambiente en virtude das competencias que lle outorga o Decreto 167/2015, do 13 de novembro,



polo que se establece a estrutura orgánica da Consellería de Medio Ambiente e Ordenación do Territorio.

Polo demais, e no que fai a competencia para a aprobación do proxecto sobre o que versa o presente informe, a mesma correspóndelle ao Consello da Xunta de Galicia, de conformidade co artigo 4.6 da Lei 1/1983, do 22 de febreiro, de normas reguladoras da Xunta e da súa presidencia, de acordo co disposto no artigo 34.5 da antedita Lei 1/1983 e dos artigos 37, 38, 39 e 43 da Lei 16/2010, do 17 de decembro, de organización e funcionamento da Administración Xeral e do sector público autonómico de Galicia, e tendo en conta o disposto no artigo 1 do Decreto 167/2015, do 13 de novembro, polo que se establece a estrutura orgánica da Consellería de Medio Ambiente e Ordenación do Territorio.

3. Estructura do proxecto normativo

O proxecto de Decreto consta de catorce artigos, distribuídos en tres capítulos, dúas disposicións adicionais e dúas disposicións derradeiras.

4. Tramitación

O proxecto de Decreto tramítase de conformidade co disposto nos artigos 40 a 44 da Lei 16/2010, do 17 de decembro. No expediente conséntase que de acordo co disposto do artigo 41.2 da Lei 16/2010, do 17 de decembro, o anteproxecto de decreto acompáñase dos seguintes documentos, correspondentes a fase inicial da tramitación:

- Unha memoria xustificativa sobre a súa legalidade, acerto e oportunidade.
- Unha memoria económica-financeira con estimacións dos costes que poida xerar e o seu financiamento.
- Un informe da subdirección xeral de Réxime Xurídico, de Coordinación Administrativa e da Planificación.
- Unha táboa de vixencias.

De conformidade co artigo 41.3 da Lei 16/2010, do 17 de decembro, a aprobación inicial do anteproxecto como proxecto pola persoa titular da Consellería de Medio Ambiente e Ordenación tivo lugar en data 2 de xuño de 2017.

En cumprimento do artigo 41.4 da Lei 16/2010, do 17 de decembro, o artigo 9 da Lei 1/2016, do 18 de xaneiro, de transparencia e bo goberno e dos artigos 16 e 18 da Lei 27/2006, do 18 de xullo, polo que se regulan os dereitos de acceso á información, de participación pública e de acceso á xustiza en materia de medio ambiente, publicouse no Portal de transparencia e Goberno aberto, constando certificado de publicación no dito portal de data 7 de xullo de 2017.

Na fase intermedia da tramitación, foi sometido aos seguintes trámites:

- *Informes e ditames:* Durante a tramitación pronunciáronse sobre o proxecto os seguintes órganos:
 - Informe de sustentabilidade financeira da Dirección Xeral de Planificación e Orzamentos da Consellería de Facenda de data 15 de setembro de 2017.
 - Informe da Dirección Xeral da Función Pública de data 31 de agosto de 2017.
 - Informe da Dirección Xeral de Avaliación e Reforma Administrativa de data 29 de agosto de 2017.



- Informe de impacto de xénero da Secretaría Xeral de Igualdade de data 18 de agosto de 2017
- *Trámite de audiencia:* O proxecto foi remitido para alegacións a todas as Consellerías da Administración xeral da Comunidade Autónoma de Galicia, así como as Universidades Galegas, asociacións ecoloxistas, confederacións de empresarios e asociacións sindicais entre outros. Tamén se recibiron alegacións a través do Portal de transparencia e Goberno aberto. Consta no expediente a xustificación do tratamento das alegacións recibidas, asinada pola directora xeral de Patrimonio Natural en data 19 de xullo de 2017.

Na fase final da tramitación, o expediente remítese ao preceptivo informe da Asesoría Xurídica da Xunta de Galicia, emitíndose o informe en data 16 de novembro de 2017.

En cumprimento do disposto no artigo 43.3 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, o proxecto someterase a aprobación da persoa titular da Consellería de Medio Ambiente e Ordenación do Territorio.

De conformidade co exposto, esta Secretaría Xeral Técnica informa favorablemente o proxecto de Decreto polo que se crea e regula o Observatorio Autonómico dos Ríos de Galicia.

Santiago de Compostela, 17 de novembro de 2017

A secretaria xeral técnica

María Jesús Lorenzana Somoza

